



POST Greenlandip Niuernermi piumasaqaatai
1. januar 2010-imeersut

***Nunanut allanut
Allakkanut***



Niuernermi piumasaqaatit uku Nunanut allanut Allakkanik nassius-sinernut atuupput. Niuernermi piumasaqaatinut tapiliussatut, *POST Greenland pillugu Inatsisartut peqqussutaanni nr. 8, 14. november 2004-meersumi malittarisassat kiisalu TELE Attaveqaatit allanngortinneqarnera pillugu inatsisartut peqqussutaata allanngortinneqarneranik Inatsisartut peqqussutaat nr. 8, 6. juni 1997-imeersoq aamma atuupput.*

Nunanut allanut Allakkat tassaapput allakkat nunani allani tiguisissusanut, aamma Savalimmiuni Danmarkimilu tiguisissusanut nassiunneqartussanngorlugit POST Greenlandimut tunniunneqartut.

1. ALLAKKAT (A PRIORITAIRE-T)

1.1 Ingerlanneqarnerisa sivissusaat

Allakkat (A Prioritaire-t) ingerlanneqarnerisa sivissusaannut nuna nassiunneqarfiat apeqqutaavoq. Nunanut tiguisissusanut ingerlanneqarnerisa sivissusaat pillugit allakkeriviit annertunerusumik paasis-tissisiinnaapput.

1.2 Angissutsit

Allakkat tamarmik angissutsit taaneqartut qaangersimassanngilaat:

Minnerpaaffissaq: 14 x 9 cm. Allagaq imusatut amilimasutulluunniit isikkoqaruni: takissuseq 10 cm aamma takissuseq + 2 x diameter/portussuseq = 17 cm.

Annerpaaffissaq: takissuseq 60 cm aamma takissuseq + silissuseq + portussuseq = 90 cm. Allagaq imusatut amilimasutulluunniit isikkoqaruni: takissuseq 90 cm aamma takissuseq + 2 x diameter/ portussuseq = 104 cm.

1.3 Oqimaassuseq

Allakkap poortuutini ilanngullugu oqimaannerpaaffissaraa 2 kg.

1.4 Imai

Allakkap imaa akitsuusigassaanersoq kiisalu nunami tiguisissami malittarisassat maliillugit allakkap imai nunamut nassitsivigisamut eqqunneqarsinnaasuunersut, taamaappallu malitassat suut tunngavigalugit tamatuma pisinnaanera misissussallugu nassiussisup akisuus-saaffigaa. POST Greenland pissutsit tamakku misissorneq ajorpai aammalu tamakku pillugit siunnersuisinnaanani, taarsiulluguli nassius-sisumut innersuussutigisarlugu nunap nassitsiviusussap oqartussaasui, soorlu aallartitaqarfefarfii konsulateqarfiiiluunniit saaffigeqqullugit.

Allagaq makkuninnga imaqaqqusaanngilaq:

- Aningaasat, rejsecheck-it, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Allakkat imaat tamakku taamaattoq killilikkamik naliler-lugit Allakkatut tammatsaalisatut imaluunniit Allakkatut nalilittut nassiunneqarsinnaapput. Allagartaatit paasineqassapput aki-itsut allagartaat, aktiat, check-it cross-igaanngitsut, akiitsukkanut uppernarsaatit, nalilinnut uppernarsaatit aammalu allagartaatit allat aningaasanik nalilinnut uppernarsaataasut aammalu allagartaammik

tigumminittup kinaaneranik uppernarsaasuusunik allagartaamik tunniussinissamat, allagartaat naapertorlugu aningaasanik akilerneqarnissamat, pigisat nuunneqarsinnaasut tigunissaannik piunasaqarnermut imaluunniit allagartaat naapertorlugu kiffartuusinermit sullinneqarnissamik piunasaqarnermut.

- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akuutimikkulluunniit inunnut, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallasissutiganut ulorianaateqarsinnaasut. "*Nassiussat ulorianaatillit, POST Greenland aqqutigalugu nassiuteqqusaanngitsut*" www.post.gl/ -imi takuneqarsinnaapput aammalu allakkerivimmit ilisimatitsisutigineqartarlutik.
- Nunap immallu uumasui uumasut, taaneqartunut ilaatinneqarpuit igutsaat, sullerngit sullineqatiminnik ajoqutaasunik akiuisussat (rov-mider), uumasullu allat qimerloqanngitsut.
- Aallaat
- Imassat, qaartartut assigisaallu ilanngullugit.
- Nioqqutissat peqquserlulluni assilisat.
- Inuit toqungasut timaat ilaannakuiluunniit aamma uumasut saanikui.

1.5 Poortorneri

Allakkap nalinginnaasumik allakkerinikkut suliarineqarnerani, soorlu maskinamik immikkoortiterineri, imaasa aserorneqarsinnaajunnarlugit poortorneqarsimanissaat kiisalu allakkap nassiussanik allanik, POST Greenlandimik allanilluunniit ajoqusiisinaanerata pinngitsoortinnissaa nassiussisup akisussaaffigaa. Postkortit kisimik pooqartinnagit nassiunneqarsinnaapput.

Imarisat qajannaatillit imaluunniit imerpalasut poortuutissat POST Greenlandip akuerisai poortuutigalugit taamaallaat nassiunneqarsinnaapput.

1.6 Nalunaaqutsiineq

Allakkap (A Prioritaire-p) saqqaani "Prioritaire" nalunaaqutsiunneqasaaq imaluunniit meqqilerneqassalluni "A Prioritaire"-mik.

1.7 Allakkerivimmut tunniussineq

Nassiussisup allagaq nassiussassanngorlugu ukununga tunniussinavaa:

1. Allakkerivimmut
2. POST Greenlandimit nivvingaatiterneqarsimasunut allakkanut nakkartitsivinnut

1.8 Piunasaqarsinnaatitaaffik

Allakkanik nunanut nassitsiviusunut arlalinnut nassiussinermi allakkami allassimasumut tunniunneqarfissaminut allakkap tiguneqarnissaata tungaanut, nassiussisoq allakkap utertinnissaanik imaluunniit tiguisussamat allamut tunniunneqarnissaanik piunasaqarsinnaatitaavoq. POST Greenland allakkap utertinneqartup nassiunneqarnermini akiunik utertitsineq ajorpoq. Nassiussisup piunasaqarsinnaatitaaffik atorsimappagu, POST Greenland suliasap allannngorteqquneqarneranut suliakkersuummut akiliuteqartitsisinnaatitaavoq. Akiliuteqartitsineq

siusinnerpaamik akileqquneqassaaq, nassiussaq allakkerivimmit nasitsivigissamut ingerlatinneqareersimappat. Nunami tiguisiffiusumi allakkerisoqarfiup, pisut ilaanni allakkap allamut ingerlateqqinneqarnerani tapiliussamik akiliisitsisoqarsinnaasarpoq.

1.9 Tiguisissamut tunniussineq

Nunami tiguneqarfissaani allakkamik tiguisissamut tunniussinnermut malittarisassat atuuttut malinneqassapput.

1.10 Allakkat apuunneqarsinnaanngitsut

Allakkat apuunneqarsinnaanngitsut nunami tiguneqarfissaanni malittarisassat atuuttut malillugit suliarineqartarput. Nassiussat apuunneqarsinnaanngitsut tassaasinnaapput assersuutigalugu makku pissutaallutik: Tigujumaneqanngilaq, najukkami tiguisusaaq ilisarimaneqanngilaq, najugaq allanneqarsimasooq amigarpoq assigisaallu.

1.11 Allakkerinermi isertuussisussaaneq allakkanillu ammaaneq

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni, Kalaallit Nunaanni llanngaaserinnermut oqartussaasunut kiisalu Kalaallit Nunaanni Politeeqarnermut oqartussaasunut tunngassuteqaraangata, POST Greenland taamaattoq paasisutissanik taakkununga tunniussisussanngortinneqarsinnaavoq.

Nassiussanut apuunneqarsinnaanngitsunut tunngatillugu pisuni immikkut illuinnartuni, *Namminersornerullutik Oqartussat POST Greenland pillugu nalunaarutaanni nr. 6, 14. marts 2005-imeersumi* allasimasunut ilaasut tunngavigalugit, POST Greenland allakkamik ammaasinnaatitaavoq.

1.12 Allakkap akilenera

Allagaq frimærkinik, franko-mik naqitsimmik, PP-mik naqitsimmik imaluunniit tiguisussap akiligassaanik (immikkut ittumik tiguisusaaq tamatuminnga POST Greenlandimut isumaqatigiissuteqartarpoq) akilerneqassaaq.

“PP-mik naqitsit” allakkerivimmi pineqarsinnaavoq. Malittarisassat POST Greenlandip aalajangersagai malillugit PP-mik naqitaq nassiussamut nipitinneqassaaq.

Naqitsit PP atorineqarsinnaavoq makku piumasaqaatit malinneqarpata:

- Nassiussassat allakkerivimmut tunniunneqarsimassapput
- Nassiussassat ikinnerpaamik 50-it assigiit tunniunneqarsimassapput (aki, angissuseq oqimaassuserlu assigiussallutik)
- Misiliutaasusaaq ataaseq POST Greenlandimut tunniunneqarsimasaaq
- Nassiussassat tunniunneqartut nassiussisumit ataatsimit pisuussapput
- Nassiussassami nassiussisup aqqa najugaalu ersissapput.

POST Greenland suliffeqarfiit inuussutissarsiummik ingerlatallit frankeeringmaskinamik atueqqullugit piumaffigisinnaavai. Maskinamik taamaattumik pisaartoqassappat aningaasartuutit taamaalluni POST Greenlandip akilissavai.

1.13 Akit

Akit qaqugukkulluunniit atuuttut allattorsimaffiat *www.post.gl* -imi aammalu allakkerivinni takuneqarsinnaapput, tassanilu aamma akit atuuttut tamaasa pillugit paasissutissiisoqartarpoq.

Akinik allangortoqartillugu nunatsinni tusagassiutit aqutigalugit tamanna pillugu ilisimatitsisoqassaaq.

Allakkat frimærkilerneqanngitsut imaluunniit amigartumik frimærkilerneqarsimasut nassiussisup angallasseqqusineratut ingerlanneqassapput. POST Greenland kiffartuussinnermut taamaattumut, frimærkiliinnermut amigartumut kiisalu allaffissornermut akiliummik nassiussisooq akiligassaanik nassissinnaavaa. Akitsuutip angissusaa akit allattorsimaffianni allakkerivinniittuni takuneqarsinnaavoq. Nassiussisup kinaanera POST Greenlandip ilisimangippagu, frimærkilernerani amigaataasumut nunamilu tiguneqarfigisassaani allakkerinermik suli-aqartumut akitsuut tiguisussamut akileqquneqassapput.

1.14 Akiliineq

Nassiussineq aningaasanngorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiisuteqarsimangippat.

1.15 Taarsiisuteqartarneq

POST Greenland allakkap kinguaattoorneranut, tammarnernanut imaluunniit ajoquserneqarsimaneranut taarsiisuteqarneq ajorpoq.

POST Greenlandip taarsiisuteqartussaaneranut *Inatsisartut POST Greenland pillugu peqqussutaanni nr. 8, 14. november 2004-meersumi* malittarisassat aamma atuupput.

Niuernermi piumasaqaatini ukunani allakkat imaannut poortorneqarsimanissaannullu piumasaqaataasunik malinninnginnerup kingunerisaanik POST Greenlandip annasaqaatigisaanut tunngatillugu, tassalu imm. 1.4-mi aamma 1.5-imi piumasaqaatinut kiisalu Allakkanut Tammatsaalisanut tunngatillugu imm. 3.1-imi piumasaqaatinut aammalu Allakkanut Nalilinnut imm. 4.1-imi, 4.2-mi, 4.3-mi aamma 4.4-mi piumasaqaatinut tunngatillugu, nassitsisoq pisussaavoq POST Greenland tamanik annasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisooq taarsiisussaataavaoq.

1.16 Maalaarutit

Nassitsisup tiguisussalluunniit POST Greenland allakkamik ingerlassinera pillugu maalaarutiginiaruniuk, maalaarutini najukkami allakkerivimmuut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummumut ingerlatinneqassaaq aalangiiffigisassatut.

POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut peqqussutaanni nr. 8, 14. november 2004-meersumi § 40, imm. 3 naapertorlugu aalangiinerup maalaarutigineqartup tiguenerata kingorna sap. ak. sisamat qaangiutsinnagit maalaarutiginnittoqarsinnaavoq.

2. ØKONOMIBREVE-T (B ECONOMIQUE, UMIARSUAKKOORTUT)

Økonomibreve-t (B Economique-t) Allakkanut (A Prioritaire-nut) tunngatillugu niuernermi piumasaqaatinut ilaapput, takuuk imm. 1, mak-kuningali allaassuteqarlutik:

2.1 Ingerlanneqarnerisa sivisussusaat

Økonomibrev-ip (B Economique-p) ingerlanneqarnerata qanoq sivistigineranut allakkap nunamut sorlermut nassiunneqarnera apeqqutaavoq, kisiannili Allakkanut (A Prioritaire-nut) sanilliullugu sivisuneruvoq. Nunanut tiguisussanut ingerlanneqarnerisa sivisussusaat pillugit allakkeriviit annertunerusumik paasissutissiinnaapput.

2.2 Nalunaaqutsiineq

Økonomibrev-ip (B Economique-p) saqqaani ilisarnaaserneqassaaq "B"-mik imaluunniit meqqilerneqassalluni "B Economique"-mik.

2.3 Allakkerivimmut tunniussineq

Økonomibreve-t (B Economique-t) allakkerivimmut tunniunneqassapput imaluunniit allakkanut nakkartitsivimmut ikineqassallutik.

2.4 Akia

Økonomibreve-nut (B Economique-nut) akit qaqugukkulluunniit atuuttut allattorsimaffiat www.post.gl -imi aammalu allakkerivinni takuneqarsinnaapput, tassanilu aamma akit atuuttut tamaasa pillugit paasissutissiisoqartarpoq.

3. TAMMATSAAALINEQ

Allakkat (A Prioritaire-t) aamma Økonomibreve-t (B Economiqui-t), tammatsaalisannorlugit nassiunneqartut, Allakkanut (A Prioritaire-nut) aamma Økonomibreve-nut (B Economiqui-nut) niuernermi piumasaqaatinut ilaapput, takuuk imm. 1 aamma 2, makkuningali allaassuteqarlutik:

3.1 Imai

Allagaq Tammatsaalisaaq aningaasanik aamma/imaluunniit allagartaatinik allakkami ataatsimi annerpaamik kr. 500-nik nalilinnik imaqarsinnaatitaavoq. Nunat allakkamik tiguisiffiusussat ilaasa Allakkat Tammatsaalisat aningaasanik, angalanermei check-inik, allagartaatinik, saffiugassanik erlinnartunik, soorlu platin-inik, guultimik aamma sølvimik, ujaqqanik erlinnartunik kiisalu pigisanik akisuunik imaqarnissaat ajornartittarpaat. Nunat tiguisiffiusussat sorliit pineqarnerisut allakkerivimmi paasineqarsinnaapput. Nassiussisup misissugassaraa allakkap imai tammatsaalisatut nassiunneqarsinnaanersut.

Allagartaatit nalingat naatsorsorneqartarpoq allagartaatip nalinga allassimasooq tunngavigalugu. Allagartaammi aningaasat nalinganik allassimasooqanngippat imaluunniit allagartaammi allassimasup aningaasat nalgisarpiat assiginngippagu, aningaasat allagartaammi allassimasut allanneqassapput.

POST Greenlandip aningaasannorlugi nalingata nassitsisumit uppersarneqarnissaa piumasarisinnaavaa.

3.2 Nalunaaqutsiineq

Allakkap Tammatsaalisap saqqaani nalunaaqutserneqassaaq/meqqilerneqassaaq "Recommandé"-mik, aammalu Savalimmiunut Danmarkimulluunniit nassiussaappat "Rekommanderet"-imik.

3.3 Allakkerivimmut tunniussineq

Allagaq Tammatsaalisap allakkerivimmut tunniunneqassaaq. Tunniussinermi nassiussisup immersorsinnaavaa tunniussinermut uppersaat, tassani nassiussisup allassinnaallugu nassiussisup tigusiussallu najugaa. Immersugassiap immersorneqarsimasup tigusinera-
nut POST Greenland atsiussaaq.

3.4 Taarsiissuteqarneq

POST Greenland Allakkap Tammatsaalisap kinguaattoorneranut taarsiissuteqarneq ajorpoq. Allagaq Tammatsaalisap tammarsimappat, annaasap nalinga apeqqutaatinnagu POST Greenland nassiussisumut kr. 500-nik taarsiisarpog. Allagaq Tammatsaalisap innarlerneqarsimappat imarisaaluunniit tamakkiisumik ilaannakuusumilluunniit annaneqarsimappat, tamanna kr. 500-it angullugit taarserneqartarpoq.

POST Greenlandili taarsiisussaaneq ajorpoq tammarnera innarlerneraluunniit nassitsisup kukkunerippagu naammassisassanilluunniit naammassinngitsuuiffigisimappagu, nassiussinerup qanoq ittuunera, amigartumik imaluunniit amigaatilimmik poortugaappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Iluuqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannanngikkaluartumik kingunerisaa-
nut allanut taarsiisoqarneq ajorpoq.

Taarsiisoqarnissaanik piumasaqarneq nassiussisumit POST Greenlandimut nalunaarutigineqartussaavoq Allakkap Tammatsaalisap POST Greenlandimut tunniunneqarneranit qaammatit 12-it qaangiut-
sinnagit, taakkulu qaangerneqarsimappata taarseeqqusissut atorun-
naartarpoq.

4. ALLAKKAT NALILLIT

Allakkat (A Prioritaire-t) nunanut tigusiffiusussanut amerlanerpaanut Nalilittut nassiunneqarsinnaapput. Nunat sorliit Allakkanik Nalilinnik nassitsiffiusinnaanersut allakkerivimmi paasineqarsinnaapput. Allakkat Nalillit Allakkanut (A Prioritaire-nut) niuernermi piumasaqaatini imm. 1 naapertorlugu ilaapput, taamaattorli makkuninnga allaassuteqar-
lutik:

4.1 Imai

Nunat tigusiffiusussat ataasiakkaat Allakkamik Nalilimmik nassinneqartussat allakkap nalinganik annerpaaffiliussa qarput. Nunat tigusiffiusussat ilaannut aamma Allakkatut Nalilittut nassiussat imaannut killilersuisoqarpoq, tassa Allakkanut Nalilinnut nassiuteqqusaanatik aningaasat kiisalu guulti søvlilu aningaasaliarineqanngitsog. Tamakku pillugit paasissutissanik annertunerusunik allakkerivinni paasisaqar-
toqarsinnaavoq, kisianni nassitsisup misissugassaraa aningaasat allan-

neqartut aammalu Allakkap Nalillip imai Allakkatut Nalilittut nassiunneqartut nunamut nassitsiffiginiakkamut nassiunneqarsinnaanersut.

Allagaq Nalilik aningaasanik aamma/imaluunniit allagartaatinik imaqarsimaguni, imaasa nalingisa allakkami ataatsimi kr. 25.000-it qaangersimassanngilluinnarpaat.

Allagartaatit nalingat naatsorsorneqartarpoq allagartaatip nalinga allassimasoq tunngavigalugu. Allagartaammi aningaasat nalinganik allassimasoqanngippat imaluunniit allagartaammi allassimasup aningaasat nalgisarpiaat assiginngippagu, aningaasat allagartaammi allassimasut allanneqassapput. POST Greenlandip aningaasanngorlugu nalingata nassitsisumit uppersarneqarnissaa piumasarisinaavaa.

4.2 Nalunaaqutsiineq

Allakkap Nalillip saqqaani uppersaasiunneqassaaq "Værdi/Valeur declareè", imaatalu nalinga koruuninngorlugu imaluunniit SDR-itut aammalu naqinnerit atorlugit allanneqassalluni. Nalingata allanneqartup Allakkap Nalillip nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Allakkanut Nalilinnut aningaasanik aamma/imaluunniit allagartaatinik imalinnut tunngatillugu nalinga allanneqarsimasoq imaanut tamatigut naaper-tuutissaaq.

4.3 Allakkap akilerneqarnera

Allakkat Nalillit frimærkilerneqartussaapput imaluunniit franko-mik naqinneqarsimassallutik.

Frimærkit allakkap saqqaani minnerpaamik centimeterip affaanik akuttussuseqarlutik allakkallu puuata sinaaniit minnerpaamik centimeterip affaanik ilorpasinnerullutik nipitinneqassapput. Franko-mik naqitaq allakkap puuanut naqinneqarsimassaaq.

4.4 Poortorneri

Allakkat Nalillit poortornerat ima qajannaatsigissaaq imatullu suliarineqarsimassalluni susasaqanngitsunit ammarniarneqarsimanera takunngitsoorneqarsinnaasanani. Allakkat Nalillit naqissuserneqarsimassapput lak-iusumik nipitittakkamilluunniit.

Allakkap Nalillip puuata sinai qalipaasigaassanngillat imaluunniit allagartaliigaassanani nipitittakkamik il.il., taamaallaat frimærkinik allakkerinermilu allagartaliussanik nipititsiffigineqarsimassalluni. Allakkanik Nalilinnik nassiussinermi aningaasat pineqartillugit poortorneqarsimanissaat malittarisassaqrpoq immikkut ittunik. Tamanna pil-lugu paasisutissat annertunerusut allakkerivimmi pineqarsinnaapput.

4.5 Allakkerivimmut tunniussineq

Allagaq Nalilik allakkerivimmut tunniunneqassaaq. Tunniussinermi nassiussisup immersorsinnaavaa nassiussinermut uppersaat, tassani nassiussisup allassinnaallugu nassiussisup tiguisusallu najugaa. Immersugassiap immersorneqarsimasup tiguisimanera POST Greenlandip uppersaasissavaa atsiornikkut.

4.6 Taarsiissuteqarneq

POST Greenland Allakkap Nalillip kinguaattoorneranut taarsiissuteqar-

neq ajorpoq. Allagaq Nalilik innarlerneqarsimappat tammarsimappalluunniit POST Greenland taarsiisussaavoq, taamaattorli annerpaamik angissuseqassalluni Allakkap Nalillip nalingata allassimasup nalingatut.

POST Greenlandili taarsiisussaaneq ajorpoq tammarnera ajoquserneraluunniit nassitsisup kukkunerippagu naammassisassanilluunniit naammassinngitsuuiffigisimappagu, nassiussinerup qanoq ittuuunera, amigartumik imaluunniit amigaatilimmik poortugaappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Iluuqutissanut annaasanut, ujariatsinermut, nalikillinerani annaasanut imaluunniit innarlerneqarneqarnerata toqqaannanngikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piumasqaarneq nassiussisumit POST Greenlandimut nalunaarutigineqartussaavoq Allakkap Nalillip POST Greenlandimut tunniunneqarneranit qaammatit 12-it qaangiutsinnagit, taakkulu qaangerneqarsimappata taarseeqqusissut atorunnaartarpoq.

5. TAPPIITSUNUT NASSIUSSAT

Allakkat tappiitsut attaveqatigiinnissamut atugassaannaanik imallit, Tappiitsunut nassiussatut ingerlatinneqarsinnaapput. Tappiitsunut nassiussat niuernermit piumasqaatini nassiussinerit toqqaarneqartut atorlugit ilaatinneqarput, taamaattorli makkuninnga allaassuteqarlutik:

5.1 Oqimaassuseq

Tappiitsumut nassiussaq annerpaamik 7 kilonik oqimaassuseqassaaq.

5.2 Akia

Tappiitsunut nassiussat allakkanut qaatiguuliorneqarsimasunut piumasqaatit iluanni angissusissanik naammassinnissimappata akeqanngitsumik Økonomibrev-itut (B Economique-tut) aamma pisut iluanni Allakkatut (A Prioritaire-tut) nassiunneqartarput.

Akinut qaqugukkulluunniit atuuttunut allattorsimaffiit allakkerivinni takuneqarsinnaapput, allakkerivinnilu akit atuuttut tamaasa pillugu aamma paasissutissiisoqartarpoq.

Akeqanngitsumik nassiussineq peqatigiiffinnut, suliniaqatigiiffinnut assigisaannullu ateqartinneqartunut taamaallaat atuuppog kiisalu atuulluni kasetteband-inut a) tappiitsut akornanni taarseeqatigiisutaasunut, imaluunniit b) tappiitsumiit isigisumut inuttut attaveqatigiinnertut atorneqartunut. Akeqanngitsumik nassiussineq aammattaq atuuppog allatat qattusuunngorlugit imaluunniit toornerit atorlugit allatanut, kiisalu allakkanut naqitassianullu tappiitsunut atugassianut. Malitassat pillugit allakkerivik paasissutissiinerusinnaavoq.

5.3 Nalunaaqutsiineq

Tappiitsunut nassiussat ilisarnaaserneqartussaapput nipititassamik immikkut ittumik allakkerivimmi pineqarsinnaasumik.